

mykje av det som no er landjord.

Kvar busette dei fyrstefolka seg?

Dei fyrstefolka busette seg attmed sjøen, og dei levde av jakt og fiske. Her i Ekne er det gjort funn som tyder på at det i den yngre steinalderen har vori ein buplass ved Byavatnet som før nevnt var ei arm av fjorden. Denne trua vert styrkt ved at det mellom Skillbrigt og Byavatnet er funni ein spydspiss av stein. Det er det eldste steinalderfunni i Skogn. Dei folka som levde her i steinalderen var nomader, det flytta etter som tilhøva for jakt og fiske arta seg. For 5-6000 år sidan veit vi at det har vori dyrka bygg her i landet, og dei reiskapa dei brukar for å grava komet ned i jorda med var av tre og stein.

Det gjekk no mot den tida da folk vart fastbuande og steinreiskapen meir og meir vart bytta med bronsereiskap. Denne tida kallar vi bronsealderen. Da gjekk folk over til å leva av husdyrhold og dyrking av korn. Den eldste busetnaden på Ekne har truleg vori omkring By som sentralgard, og etter kvart som det vart rudda nye heimar, kom dei i leilendingstilhøve med storbonden på By. Denne grenda har hatt ein sams gravplass ved Gustad, mellom Nord-Gustad og Holannet. I Høgda, aust for Nord-Gustad kan ein enno sjå ein bautastein frå den tida.